

桃源縣志

增繪民國城鎮
鄉圖共二十本

桃源縣志

增補
附錄
卷之十
下

篤行

士有不假纁冕之榮赤紱朱纓之貴而峻望標於黌序清風激於累葉倘所謂履道坦坦幽人貞吉者非耶何令人之欽崇若此也蓋人負其光明俊偉之氣而益以詩書禮樂師友漸摩之澤周浹旁皇隨所觸而皆有以自見故卽名山偃蹇環堵蕭然而本介介自持之心以挺其落落然不可苟合之節一時子弟無良且畏姓名之告況在薰其德而善良者耶夫自鄉舉里選之法廢能文章而爲速化之學者不難起科目而薦陟臺省而一二履慤懷貞之儒轉以質樸而見擯此亦學術消長一大關鍵也然而鄉里景其懿行志乘傳其盛節數世而後摭逸翰擷流芬且羣奉以俎豆馨香之報而向之資浮華以博顯仕者轉無以名一技而式一鄉則合始終前後以參觀夫果孰遇孰不

遇也孔子曰言忠信行篤敬雖蠻貊之邦行矣又曰君子疾沒世而名不稱焉士人抗心希古當薄一時之榮而作千秋自命之想芳躋具存謂宜何所從事耶

明

李勝正德間歲貢仕武進縣丞性坦易溫雅以德行稱家訓最嚴子僑歲貢祀邑鄉賢姪位辛卯舉人除績溪令祀名宦

舊志

王士元參議衮長子字長禔萬曆乙卯鄉薦選廣西賓州知州樂善敦行有古君子風

舊志

國朝

陳世卿字爾公慷慨有志略不苟取與初託足商旅手揮千金堂弟世琳早逝遺幼子熹引爲己任力成就之登鄉薦選天台令有政聲

續縣志

潘名高字升子好學深思明悟之聲至漏盡不輟母謝氏恤其勞
嘗趣令掩卷生平礪德砥行持己嚴重與人平恕鄉黨有是非
求君言剖晰莫不感從其嘉惠後學所講明皆古人立身行己
之道遊其門者尊為泰山北斗充順治十五年歲貢卒於家
父旦字旭菴廩生性勤敏耽經籍能詩善書嘗與邑人楊作繩郭
民歌等助興義學修川上亭

新府志

萬言試字倚待號雲岩邑庠學優品端主講家塾弟言鈞邑庠生
子崇武舉仕江南大河衛千戶李子岸與孫世盛皆舉於鄉仕
泗州衛守備

余以縉字雲紀七歲出繼外家外家僕蓄之一日朝牧過書齋傾
聽若癡而亡其牛畏外家譴遂逃歸宗苦學成諸生後館湯泉
東鍵戶講學足不踰籬藩者數年提督俞益謨過境三謁其門

終匿不見著有鳳山講義續府志

潘為楫字濟川乾隆辛酉郡拔貢嗜經史貧不能購然工楷法聞人有藏書借鈔焉手錄成帙者積十數篋晚年友教鄉塾律徒甚嚴雖一步趨不少貸時儒稱其純慤新府志

高維國字天翼性嚴正通河洛理數諸書嘗館於市鄰女私奔之不納而以他事辭去然容忍過人凡以訾怨告者輒婉言謝有市少年擠維國撲地僕從忿起奮拳相奉維國託言失足事遂解新府志

張如昂字方昇諸生性篤實教人文行交礪曲盡其誠喪庶母踰制及卒教諭曾大章輓以聯云學足懲浮見則知為門弟子沒堪祭社古之所謂鄉先生可想見其品地矣新府志

文應奎字友庚康熙癸酉副車方正有大度設教奎牛山傲來子

白鹿洞條規終日端身正坐雖盛暑必肅衣冠爲文折衷先儒語錄受業者多所成就同里有浮薄子謾罵其門奎絕不與校

未仕卒

舊志

文體英字大樸志鯨子性純篤康熙庚子副榜補江華教諭董勸士子先德行而後文藝負笈從者百餘人江邑人雅有蘇湖遺範之譽卒之日貧無殮門人購歸其櫬

羅時亮康熙歲貢生嚴正不干外事爲鄉人敬憚鄰某兄弟爭產欲搆訟值亮至各抱愧而罷友愛如初

羅世儒字闢異號曉亭乾隆九年甲子歲貢生幼失怙事孀母愉容可掬母嘗善病世選侍奉湯藥夜不解帶及卒廬墓三年不茹腥酒待人肫厚宗族鄉黨之貧乏不能喪葬及嫁娶者世儒代爲之曰非儒事而誰耶諸此之類生平凡五見學道廉其實

一再以優行聞辭不赴曰盛名之下其實難副吾豈不自省烏庸徑往以辱名賢知晚赴長沙訓導任病中恍惚有聞乃投筆書一絕云事業文章杳太空浮生骨肉偶相逢祇餘真我不離我明月清風處處同書訖投筆而卒年八十有五世儒學術一宗濂洛然謂扶正莫如抑邪漢唐以來爲世妬病莫如佛其喪母與教子治己之喪均斥絕浮屠羽士云虞生張贊琳採

郭士伸字知庵號紅山乾隆壬申歲貢生謹厚而勤學自奉儉樸子勳官廣東爲製衣冠甚都馳騎進之士伸怒召所遣騎曰若持歸粵語汝主乃翁素不耐此若俸有贏分給將士貧者使盡力爲朝廷保障乃翁安矣後勳由是加厲大有官聲士伸壽至九十乃終

余以緡號庚溪性質直樂易近人鄰里小有爭輒溫語解之初嗜

酒其母切戒之卽終身斷飲文患目疾延醫砭治丹劑必躬親始進遂精其術貧無力者求醫以緡留給以藥痊始遣去延師課子禮貌極隆當時名宿多敬重之而樂爲盡力年七十學使姚雪門介之以序卒年八十三子世清歲貢

舊志

張士瑾官農正勸課勤惰信賞必罰遇有不給輒解囊相助邑令張廷式手書田畝至喜匾額以贈尤篤宗誼捐置學田數畝獎勵族中新進子弟而其孫銳以附生踵事恢拓至六十畝有奇嘉慶初蠲沛恩綸蠲免地丁正賦銳謂貧戶皆佃富田未獲均霑爰推廣焉減兩歲田租之半祖孫均年登八十

新府志

羅希聖字睿作諸生性質篤待人無賢不肖和氣煦煦僕隸有過第好語屬收絕不陵以盛氣篤友愛伯叔羣季偶與人忤必多方調釋弟希元字景真歲貢生少穎悟工文藝年十五補弟子

員旋食廩餼薦內行不與外事季弟夫婦俱早故遺孤數歲聖
元撫如已出成諸生

文光清字玉符號澹庵性孝友有學行父素患瘋疾光清躬侍湯
藥積十餘年未嘗少離家祇小康然好施與乾隆戊戌歲飢督
家人採野菜伴食留餘米以給貧乏鄉里構訟得一言輒解詩
文古澹不競於名卒年八十餘子運陞運昌皆領鄉薦

程侖字聞山煥子邑廩生工詩文事嫡母以孝聞應鄉闈不第訓
課生徒以自給不干預外事人皆敬重之邑有義舉必極力贊
成

藍亮號雲溪嘉慶丙辰 恩貢生性耿介偶貸人雖微末必還燕
居獨處坐立必端神宇如植晚益好學尤喜讀文選手一卷寒
暑不少輟選鄰縣訓導不就年八十八無疾而終

向世英字敬齋邑增生爲學以敬爲主善屬文屢薦未售從遊者
日益眾庠生羅中錦性孤介獨於世英稱莫逆交晚年屏居沅
上時與明經謝震亨探道論文陳義甚高年八十卒

向世譽字敦實嗜學而有志操五薦鄉試未售某中丞見其遺卷
召入嶽麓書院以親老不果赴自是所造益深家居課子弟嘗
舉先器識後文藝爲訓鄉黨有過失咸畏其知道光庚寅冬積
雪彌旬里多凍餓世譽勸富者分粟周給而以館穀所餘倡爲
習紀南號朗垣附貢生見義樂爲族鄰有能學者爲延師時濟其
貧乏家香山村距縣治百數十里或二百里不等惡少牟利多
不守法紀南予之貲使改業焉里俗爲之一變歷署永明安福
安仁教諭

張銘字鎮南號西軒咸豐壬子恩貢生天姿雄雋年十二畢十

三經能迴文背誦聲琅琅無聲牙態及長博獵羣書學使岳鎮
南睹其文詫非近時人作提試而後榜新進提試自銘始故居
邑北垂湯泉傍去縣百數十里萬山攢簇民氣獷悍甲寅夏粵
酋曾天養距郡城境內豪猾潛通聲息及天養走富室予某奮
出金幣結黨數千人繕具旌幟器械喋血爲盟尅期起赴賊壘
闖境騷然銘偵得其實馳白邑令遣兵往勦而躬率鄉團前驅
計擒其渠羽黨驚潰丁巳秋飛蝗蔽天日來止其地遺蝻滿土
中次年春夏鑽重四出所過麥穗禾苗嚙食立盡時股翼尙稚
鄉愚駭爲天降縮不敢戕銘曰失此不治振羽飛矣爰用兵法
部勒鄉人圍撲箐叢阮塞間罔不畢搜邑令熊峙衡往眡善之
令四鄉如法窮治不旬月而種類蕩滅矣其生平遇事膽識諸
此之類性嗜酒然居父母喪後先六年涓滴不霑卒年六十有

二閭里有大興作尙修談銘事以爲快云

增生劉逢然採

沙清湘號朗軒邑庠生篤孝友博學能文捐產入宗祠鄰有姜某因貧賣妻給賞以全活之年八十八卒

王登墀字文觀號湘溪性豪爽有膽識援例授縣丞不樂仕進有達官聞其名厚幣聘之使謂登墀來富貴可立得登墀薄其言不赴里黨知其才緩急輒倚爲重道光二十九年大飢登墀方據胡床作書或奔走告飢民數千人入境大肆劫掠盈橐以巨萬計登墀騎而往覘焉曰彼壯健羣盜也立徇於眾要諸隘盡獲之錢帛悉與貧民他盜自是不敢逞家於新湘當山水之勝構別墅舍東因山爲洞洞外有池上架石梁每幅巾觀魚笑曰此亦濠梁也邑令朱元增一再造焉爲之記贈詩四章

程之鳳字丹雛諸生性寬和敦行慎交每揮麈談古今事聽者忘

倦年八十卒著有樂育齋文集同時張標亦諸生潔己白好教授有師法

劉兆璜字再青生有奇氣少工制藝縣試第一補諸生鄉居以誠信聞遇事敢爲人皆敬憚之聚書數千卷喜談兵道光末粵西賊起募天下奇材異等之士將往應之適其母患癰疾吮血侍藥衣不解帶者累月訖以母憂不果行甲寅之變賊颺去富室匿山谷間無敢出聲兆璜督丁數百人迎縣令山中導歸署縣境始安未幾耳失聰自度不能爲世用乃溷跡商賈市僧日填其門顧而笑曰此亦足以行吾志矣安問當世事因自號聾叟書法鄰顏柳豪邁逼人著有荒荒齋詩草

徐麟勳字石舟邑廩生植性端嚴不苟徇人好學深思子史及經世各書手鈔二百餘卷尤得力於宋儒近思錄從遊者奉爲經

人師焉家鮮負郭田依隙地種桑至數百株顏其居曰桑園自號十畝桑者嘗作桑銘以自遣教諭嚴拒香深重之引爲道義交卒年六十有一

魏士堅採

蒯世恭字遜遠博學敦行善體親心兄世任弟世興病篤俱請禱以身代死訓子姪以氣識爲先同里羅超伯服其嚴峻相與友善年踰七旬猶應童子試邑侯譚篋園顏其堂曰花邑耆英

吳培騰號燕山附生加訓導歷任茶陵州學正乾州廳訓導解組歸適黃石土匪屬聚培騰部署鄉兵寇氛遠徙境內克全晚年創修黃石

文昌宮以身先焉

龍尙澄邑庠生學行兼優爲經師望母劉氏性至嚴澄下氣怡色善承懽年二十八喪偶恐難得賢淑者以悅親心遂不續娶皇甫葵號卓垣優附生敦品力學名重膠庠性慷慨遇有危疑必

委曲排解同治二年邑令孫桐生飭令建修

文昌宮葵與同事竭力經營不避寒暑以成勞疾終子天民以歲貢援例就廣文選平江縣訓導

張範字善琴棋書畫抒寫性靈藐然高寄曾祖母饒氏患癰範禱於神願以身代母病痊壽九十五

涂澤鉦字春煦廩貢生持躬嚴峻見者肅然卽之則和樂易近三十餘喪偶不再娶年七十卒子自耀自嶸先後八邑庠均有父風而澤尤慷慨守正不阿鄉里有爭端得其一言卽解仿育嬰法設遂生堂老而孤者爲經理之年四十餘卒里人思之至今流涕

劉廣銘字同盤號新三同治丙寅歲貢生家貧以課讀養親天性孝友出館穀爲弟授室爲姊營宅皆能曲體親心生平不干外

事然如育嬰節孝各大端則竭力贊成之於縣東建總祠嚴定
家規前後友教五十年成名者近百人年七十壽終次子鴻翥
光緒癸未歲貢生博極羣書爲文不屑趣時徑鄉里有爭訟一
言輒解

龍縉號笏庭歲貢生咸豐元年舉孝廉方正加國子監學正銜
援例就廣文署巴陵縣學教諭性樸直守正不阿邑有大公事
身任其難門下士多掇巍科卒年七十有六

梅峻字山曉號楚望郡庠生秉性純良立品端方將終夢遊古寺
對僧吟詩醒而記憶命子疾書詩云爲愛僧人斷俗緣從容倚
著石欄前常存道念觀魚躍不設機心看鳥還世上紅塵皆棄
絕山中美景任盤旋於今洗淨生前孽好入菩提伴老仙

胡永清號蘇溪邑庠生孝友傳家詩書教子年八十五歲卒子四